




KONFLIK TI DEKA DATAI




**“Kuduska sida dalam
pemendar. Jaku Nuan nya
pemendar”
(John 17:17)**

Udah berapa ratus taun pengelama perang antara Kristus enggau Sitan bekaul enggau sembah. Nyembah Allah Taala tauka nyembah sebarang utai bukai ke ngerusak konsip perangai Tuhan.

Ari ti ngayanka konsip ti salah pasal Allah Taala, Sitan udah mujur bendar bekenaka mensia, gerija enggau perintah menua dikena ngerusak barang sapa ti deka nyembah Penengkebang.

Batang pemendar, baka undang-undang Allah Taala udah dirusak (Sabat) tauka nyau ke enda dikingat agi. Perang ti penudi deka bepugu ba sembah ti betul ba hari ti betul. Nya alai aram kitai betunga enggau kuasa ke dikena Sitan ba perang ti penudi.



Penyarut:



Sembah.



Nadai toleransi.



Munsuh:



Penuduk naga.



Telih ti suman.



Anak Domba enggau Naga.

The image features a purple-tinted illustration of an unrolled scroll. The scroll is shown from a top-down perspective, with its edges slightly frayed and its surface showing a subtle texture. The word "PENYARUT" is written in the center of the scroll in a bold, purple, sans-serif font. The letters have a slight 3D effect and are reflected on the surface below them. The scroll is held open by four circular fasteners, one in each corner, which appear to be made of a dark material. The overall aesthetic is that of a vintage or historical document.

SEMBAH

“O Tuhan Allah Taala kami, Nuan endang patut nerima mulia, basa enggau kuasa, laban Nuan udah ngaga semua utai, lalu ulih peneka Nuan, sida ditempa, lalu diberi pengidup” (Pemandang 4:11)



Orang di serega nyembah Tuhan kategal kuasa Iya ti nengkebang (*Pem. 4:11; Jop 38:6-7*).


Dikena nerima sembah kitai, Tuhan ngayanka diri nyadi Penengkebang enggau Penebus (*Isa. 45:6-7, 18-20; 65:18*).

Ajar ke dipadah ngagai raban ti penudi ba dunya ngasuh sida nyembah Allah Taala ti Penengkebang (*Pem. 14:7*).



Ungkup Sitan, iya ngulihka sembah orang ba dunya ari jelu ke diberi iya kuasa ngaga gambar ke dikena iya nerima sembah semua orang (*Pem. 13:2,4,14-15*).

Nya alai, patut hari Sabat nyadi ke pun penyarut ba timpuh ke baka tu. Sida “ke ngasika pesan Allah Taala, sereta tetap ati arapka Jesus” (*Pem. 14:12*) deka nyembah Iya ba hari ti meri pengingat ke penengkebang Iya.




NADAI TOLERANSI

"Sida deka muai kita ari balai gempuru. Iya ti bendar, maya deka datai alai orang ke munuh kita deka ngumbai diri ngereja nya ke Allah Taala" (John 16:2).



Perang kitai tu ukai perang batang tubuh tang perang ba pengidup roh (Ep. 6:12). Kitai nadai ngena senyata ti bendar (2 Kor. 10:3-5). Taja pia, bala munsh kitai tentu deka ngena senyata ti bendar ngelaban kitai.



Orang ti taluk deka bulih penusah kategal Sitan ke nyerang gerija (Pem. 12:12). Iya ulih bekenaka sebarang senyata.

Iya nguji kitai ari pengingin kitai (James 1:14)

Iya mujuk kitai ngena chara alus (2 kor. 4:3-4)

Iya ngena orang ti semak enggau kitai (Mt. 10:34-36)

Iya nyipat enggau ngemba (Ras. 5:40)

Iya ngena pengasar ti balat (John 16:2)

Baka tu meh utai digaga iya dulu kelia, lalu baka nya mega ba serang iya ti penudi: nipu ngena chara alus (Pem. 13:13-14); nagang bejual-bebeli (Pem. 13:16-17); dekri pematil ngagai orang ti enggai nyembah iya (Pem. 13:15).



MUNSUH

PENUDUK NAGA

"Naga nya meri pengering, enggau kerusi diraja, enggau kuasa iya ti besai, ngagai jelu nya" (Pemandang 13:2)

Naga tu meh Sitan (*Pem. 12:9*), lalu jelu ke bejalaika kuasa iya meh jelu ti keempat ba Daniel 7 (ke nangkanka singa, beruang enggau engkuli).

Pemandang 13 meh penerang ke silik agi ungkup bagi 12. Iya berepun ari pengawa ti nguji deka munuh Jesus, lalu tu diujungka Iya ti niki ke serega (*Pem. 12:3-5*). Ayat ti berubah nerangka gerija diserang sekumbang timpuh 1,260 taun, lalu ayat-ayat bukai lepas nya nerangka pengeringat naga "ngagai indu nya, lalu nyerang bala peturun iya ti bukai" (*Pem. 12:17*).



Lepas ke diserang orang Barbar, perintah Roma lalu pechah. Rome lalu belubah-lubah mansang dibaruh kuasa gerija ke alai sida bulih kuasa politik ke dikena sida merinsaka gerija ti taluk (*Pem. 13:4-8*).



TELIH KE SUMAN

"Enti orang deka ditangkap, iya tetap deka ditangkap. Enti orang deka dibunuh ngena pedang, iya tetap dibunuh ngena pedang. Tu begunaka ati ti tan enggau pengarap ari bala nemiak Tuhan"
(Pemandang 13:10)

Lepas beratus taun nangkap enggau munuh ngena pedang (*Pem. 13:10*), gerija Roma mega lalu kena tangkap (dilambangka enggau pala, Pius VI) sereta telih ke balat (*Pem. 13:3*).



Taja Papal States agi diempu Pope datai ngagai taun 1870, iya lenyau semua menua nya lebh maya menua Italy tumbuh. Lebh timpuh tu, gerija Roma baka ke nadai agi ulih bempuka kuasa ke dulu suba.

Dalam taun 1929, Vatican City lalu diterima nyadi menua ke merintah diri. Telih iya nyau mupuk gerai. Nya alai nama utai deka nyadi berengkah ari diatu?




Lebh maya utai dudi hari berengkah deka nyadi, bala tuai-tuai orang ba dunya merambuka chara dikena mutarka penusah dunya. Siti ari chara ke dilanggur gerija ke betuaika Pope ianya ngaga hari Minggu nyadi ke hari diau, laban tu disadang sida ulih nyerakupa kaul ruang-bilik, orang mayuh enggau bansa.



ANAK DOMBA ENGGAU NAGA

“Udah nya aku tepedaka siku agi jelu pansut ari dalam tanah. Iya bisi dua iti tanduk baka anak domba, lalu iya bejaku munyi naga” (Pemandang 13:11)



Jelu ti terubah angkat ari gerija ti dipunka Jesus ke udah rusak. Lebuh iya bakal, Sitan lalu ngiga nabi bula dikena nukar iya sereta nyumanka telih iya (*Pem. 13:11; 16:13*). Sekali agi, iya tetemuka kaban iya ari siti menua ke tumbuh bepelasarka prinsip Kristian ke tuchi ianya menua Amerika Utara.

Iya berepun ngena chara neladan Jesus (Anak Domba). Tu meh menua republik (nadai raja nadai mega makota), bepelasarka dua iti kuasa (tanduk) ke diserara: kuasa sivil enggau agama.

Lebuh iya nyadi kuasa dunya ti terubah, iya lalu berengkah bejaku baka naga. Enda lama agi iya deka ngeluarka undang-undang ba pekara agama ke nyukung Pope, ngaga anak patung jelu (*Pem. 13:12-14*).



“Gambar jelu tu ngelambangka siti agi gerempung agama ke ngembuan kuasa ti sama. Gambar tu digaga siku jelu ke sebaka enggau anak domba. Jelu ke sebaka enggau anak domba tu ngelambangka menua Amerika Syarikat, iya ke dipeda baka ke jinak sereta nelap. Gerija-gerija ba menua Amerika Syarikat deka beserakup ba pengarap ke sama. Lepas nya, gerija ti beserakup tu tadi deka ngansak perintah menua ngambika nyukung gerempung gerija sereta meri kuasa ngagai undang-undang gerija dipejalai. Lebu pekara tu nyadi, gerija Protestant menua Amerika deka nyadi gambar gerija ti betuaika Pope. Ari nya gerija ti bendar deka ke perinsa sebaka enggau bala nembiaak Tuhan dulu kelialia.”